



Broj: UP-I-KSI-09-10/25

Datum: 21.11.2025. godine

Na osnovu člana 25. stav (1) tačka a) i b), člana 32. Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 04/21) i člana 25. Poslovnika o radu Komisije za odlučivanje o sukobu interesa („Službeni glasnik Brčko distrikta Bosne i Hercegovine“, broj: 19/21), Komisija za odlučivanje o sukobu interesa, postupajući po službenoj dužnosti u predmetu utvrđivanja povrede odredaba Zakona o sprečavanju sukoba interesa u institucijama Brčko distrikta Bosne i Hercegovine od strane A.K. iz Brčkog, [REDACTED], nosioca javne funkcije, poslanika u Skupštini Brčko distrikta BiH, na 136. sjednici održanoj dana 21.11.2025. godine, donosi

RJEŠENJE

1. UTVRĐUJE SE da je A.K. iz Brčkog, [REDACTED], poslanik u Skupštini Brčko distrikta BiH, nosilac javne funkcije postupio protivno članu 8. stav (1) Zakona o sprečavanju sukoba interesa u institucijama Brčko distrikta Bosne i Hercegovine, na način da je propustio da na drugo fizičko ili pravno lice prenese upravljačka prava na udjelu u kapitalu privatnog preduzeća [REDACTED] d.o.o. Brčko distrikt BiH, u kojem nosilac javne funkcije ima više od 0,5% udjela u kapitalu preduzeća.
2. Za učinjeno kršenje odredaba Zakona o sprečavanju sukoba interesa u institucijama Brčko distrikta Bosne i Hercegovine A.K. nosiocu javne funkcije, poslaniku u Skupštini Brčko distrikta BiH, saglasno odredbama člana 39. stav (1) tačka b) Zakona o sprečavanju sukoba interesa u institucijama Brčko distrikta Bosne i Hercegovine, izriče novčana kazna, i to obustavom dijela isplate neto mjesečne naknade, koju nosilac javne funkcije prima za obavljanje javne funkcije u iznosu od 20% (dvadeset posto) neto naknade.

Obrazloženje

Dana 29.10.2025. godine, Komisija za odlučivanje o sukobu interesa po službenoj dužnosti, Zaključkom broj: UP-I-KSI-09-10/25, pokrenula je postupak protiv nosioca javne funkcije, A.K. iz Brčkog, [REDACTED], poslanika u Skupštini Brčko distrikta Bosne i Hercegovine, jer je posumnjala da Komisiji za odlučivanje o sukobu interesa nije dostavio ugovor o prenosu upravljačkih prava za privatno preduzeće [REDACTED] d.o.o. Brčko distrikt BiH, odnosno nije izvršio prijenos upravljačkih prava ugovorom na drugo pravno ili fizičko lice za privatno preduzeće u kojem ima 0,5% i više udjela u kapitalu, čime je postupio protivno odredbama člana 8. stav (1) Zakona o sprečavanju sukoba interesa u institucijama Brčko distrikta Bosne i Hercegovine.

Nakon prijema zaključka o pokretanju postupka, broj: UP-I-KSI-09-10/25 od 29.10.2025. godine, A.K. iz Brčkog [REDACTED], poslanik u Skupštini Brčko distrikta BiH, u

zakonskom roku, dana 17.11.2025. godine, dostavio je Komisiji za odlučivanje o sukobu interesa pisano Izjašnjenje u kojem, između ostalog, navodi da je usljed previda, bez postojanja bilo kakve prikrivene namjere ili zle misli, propustio da postupi u skladu sa članom 8. stav (1) Zakona o sprečavanju sukoba interesa u institucijama Brčko distrikta Bosne i Hercegovine.

Uz izjašnjenje, Komisiji za odlučivanje o sukobu interesa priložen je ugovor o prenosu upravljačkih prava zaključen u Brčkom, dana 17.11.2025. godine, iz kojeg je vidljivo da je A.K. izvršio prijenos upravljačkih prava udjela u preduzeću [REDACTED] d.o.o. Brčko distrikt BiH, vlasništvo 50%, na fizičko lice koje nije sa njim povezano lice.

A.K. na osnovu Uvjerenja Centralne izborne komisije o dodjeli mandata, broj: 06-1-07-1-3513-1-3062/24 od 05.11.2024. godine, obnaša funkciju poslanika u Skupštini Brčko distrikta BiH, te je shodno članu 2. Zakona o sprečavanju sukoba interesa u institucijama Brčko distrikta Bosne i Hercegovine nosilac javne funkcije i upisan je u Registar javnih funkcija i nosilaca javnih funkcija.

Članom 22. Poslovnika o radu Komisije za odlučivanje o sukobu interesa u institucijama Brčko distrikta Bosne i Hercegovine propisano je da je nosilac javne funkcije stranka u postupku.

Prilikom redovne provjere tačnosti i potpunosti podataka iz Izvještaja o imovinskom stanju, na obrascu o imovinskom stanju nosioca javne funkcije, bračnog i vanbračnog druga, djece i drugih članova porodičnog domaćinstva kao i lica prema kojima nosilac javne funkcije ima zakonsku obavezu izdržavanja – Aneks II, tačnije u Izvještaju o imovinskom stanju, na strani 23. pod rednim brojem 20. „Udjeli, dionice, hartije od vrijednosti, obveznice, udjeli u pravnim licima, samostalna djelatnost“ uočeno je da je nosilac javne funkcije naveo udio od 50% u preduzeću [REDACTED] d.o.o. Brčko distrikt BiH, ali nije Komisiji dostavio ugovor o prenosu upravljačkih prava za navedeno preduzeće, odnosno nije izvršio prijenos upravljačkih prava ugovorom na drugo pravno ili fizičko lice za privatno preduzeće u kojem ima 0,5% i više dionica odnosno udjela u kapitalu privatnog preduzeća, čime je postupio protivno odredbama člana 8. stav (1) Zakona o sprečavanju sukoba interesa u institucijama Brčko distrikta Bosne i Hercegovine.

Članom 8. stav (1) Zakona o sprečavanju sukoba interesa u institucijama Brčko distrikta Bosne i Hercegovine propisano je da nosilac javne funkcije koji ima 0,5% (nula zarez pet posto) i više dionica, odnosno udjela u kapitalu privatnog preduzeća za vrijeme obavljanja javne funkcije, obavezan je ugovorom prenijeti upravljačka prava na drugo pravno ili fizičko lice u roku od 30 (trideset) dana od dana stupanja na javnu funkciju, koji upravljačka prava vrši u svoje ime, a za račun nosioca javne funkcije.

Članom 8. stavom (2) Zakona o sprečavanju sukoba interesa u institucijama Brčko distrikta Bosne i Hercegovine propisano je da upravljačka prava iz stava (1) istog člana, nosilac javne funkcije ne može prenijeti na povezano lice, dok stav (3) propisuje da pravno ili fizičko lice na koje nosilac javne funkcije ugovorom prenese upravljačka prava, smatra se povezanim licem s nosiocem javne funkcije.

Povezano lice je shodno članu 2. Zakona o sprečavanju sukoba interesa u institucijama Brčko distrikta Bosne i Hercegovine, član uže porodice, srodnik u pravoj liniji, srodnik u pobočnoj liniji do trećeg stepena, srodnik po tazbini do drugog stepena, dijete bračnog druga ili bilo koje pravno ili fizičko lice koje je s nosiocem javne funkcije u ličnoj, političkoj, ekonomskoj ili drugoj vezi koja utiče ili bi mogla uticati na objektivnost i nepristrasnost u radu nosioca javne funkcije.

Prijenos upravljačkih prava izvršen je od strane nosioca javne funkcije, u toku postupka, ugovorom od 17.11.2025. godine kako propisuje član 8. Zakona o sprečavanju sukoba interesa u institucijama Brčko distrikta BiH.

Primjenom navedenih zakonskih odredbi ocijenjeno je da u konkretnom slučaju postoji povreda odredaba Zakona o sprečavanju sukoba interesa u institucijama Brčko distrikta Bosne i Hercegovine s obzirom na to da A.K., nije Komisiji dostavio ugovor o prenosu upravljačkih prava za preduzeće [REDACTED] d.o.o. Brčko distrikt BiH, odnosno nije izvršio prijenos upravljačkih prava ugovorom na drugo pravno ili fizičko lice za privatno preduzeće u kojem ima 50% udio u kapitalu, čime je postupio protivno odredbama člana 8. stav (1) Zakona o sprečavanju sukoba interesa u institucijama Brčko distrikta BiH.

Član 38. Zakona o sprečavanju sukoba interesa u institucijama Brčko distrikta Bosne i Hercegovine propisuje sankcije za nosioca javne funkcije koji postupi suprotno odredbama navedenog Zakona.

Komisija je shodno članu 39. Zakona o sprečavanju sukoba interesa u institucijama Brčko distrikta Bosne i Hercegovine, prilikom odlučivanja o vrsti sankcije koju treba izreći u konkretnom slučaju u obzir uzela sve okolnosti kako bi izrečena sankcija odgovarala učinjenoj povredi Zakona. Komisija je vodila računa o težini i posljedici povreda Zakona kao i činjenicu da se radi o prvoj povredi odredaba Zakona od strane nosioca javne funkcije. Nadalje, Komisija je cijenila njegovo postupanje i odgovornost, ličnost nosioca javne funkcije, odnos imenovanog prema kršenju odredaba Zakona, opredjeljenost imenovanog da postupi u skladu sa Zakonom, te otkloni razloge koji su doveli do kršenja odredaba Zakona. S tim u vezi Komisija je cijenila činjenicu da je nosilac javne funkcije izvršio prijenos upravljačkih prava za preduzeće [REDACTED] d.o.o. Brčko distrikt BiH kao i da je o tome obavijestio Komisiju za odlučivanje o sukobu interesa u svom izjašnjenju, odmah nakon saznanja na sumnju o povredi Zakona.

Komisija je na osnovu svega navedenog odlučila da se izrekne novčana kazna obustavom dijela isplate neto mjesečne naknade koju nosilac javne funkcije prima za obavljanje javne funkcije u iznosu od 20% (dvadeset posto) neto naknade, kako je to navedeno u izreci rješenja i da ista u potpunosti odgovara težini i posljedicama povrede Zakona.

Komisija je, cijeneći sve dokaze pojedinačno i u međusobnoj vezi, shodno članovima 8., 25. i 39. Zakona, donijela rješenje kao u dispozitivu.

Rješenje Komisije bit će objavljeno na službenoj Internet stranici Komisije.

POUKA O PRAVNOM LIJEKU:

Shodno članu 37. stav (1) Zakona, ovo rješenje je konačno u upravnom postupku i protiv istog nije dopuštena žalba, ali se može pokrenuti upravni spor u roku od 30 dana od dana dostavljanja rješenja, tužbom pred Osnovnim sudom u Brčko distriktu BiH.

Predsjednik
Komisije za odlučivanje o sukobu interesa

Admira Mujić, dipl. pravnik